



UNIVERSITÄTS-  
BIBLIOTHEK  
PADERBORN

**Principia Juris Canonici : Ex Libro ... Decretalium Gregorii  
IX. Pontificis M / Antehac In Alma & Archi-Episcopali  
Benedictina Universitate Salisburgensi**

**König, Robert**

**Salisburgi, 1725**

**VD18 80460526**

21. De Sortilegiis.

---

[urn:nbn:de:hbz:466:1-61800](#)

casu 312. Hipol. de Marsil. in l. eos. 27. n. 9. poenâ puniri queant. d. c. 7. b. t. & ibi Pitching & seq. ff. Ad leg. Cornel. de falsi.

## §. VI.

12 Finit criminis falsi est, ut immutatione veritatis alter decipiatur. Boët. decis. 82. n. 8.

## §. VII.

13 Effectus criminis falsi est obligatio ad poenam, quæ alia de jure Civili, alia de Jure Can. infigitur.

Poena criminis falsi *Jure Civili Romano* in homine nobili est deportatio cum bonorum omnium publicatione: in persona vili damnatio ad metallum: in servo ultimum supplicium. l. 1. §. fin. ff. l. 22. in fin. C. Ad leg. Cornel. de falsi. §. 7. Inst. de Publ. jud. Exceptis quibusdani casibus in l. 1. ff. Ad leg. Cor. de sic. l. 1. §. 2. C. de Falsa monet. l. 1. l. 22. C. Ad leg. Cornel. de falsi Nov. 17. c. 8. & Nov. 134. c. 13. Jure hodierno non male quis dixerit, poenam falsi esse arbitrariam juxta Conf. crim. Caroli V. in art. 112. 113. & 115. sic tamen, ut pro facinoris gravitate ad mortem, ultimumque supplicium extendi possit. Carpz. in pr. cr. p. 2. q. 93.

14 *Jure Canonico*, qui vel in causa civili vel criminali falsum dixerit, infamiam incurrit per c. constitutimus. 9. causâ 3. q. 5. Clerici quoque deponendi, & ad agendam poenitentiam in arctum Monasterium vel carcerem detrudendi sunt. c. si Episcopus. dist. 50. si modò falsum scienter, & circa causæ substantia sum aliorum præjudicio dixerint, ut observat Clarus d. §. falsum. n. 9. Qui falsum committit in litteris Apostolicis tam justitiae, quam gratiae, percellitur excommunicatione reservata Papæ, quam quicunque, etiam laici, litteras Apostolicas per se, vel per alios falsificantes ipso factò incurruunt per c. 7. b. t. juncta Bulla Cœne casu 4. Insuper si Clerici sint, omni officio, & beneficio perpetuo privantur, & si falsi crimen per se exercuerint, degradandi, & curiae seculari tradendi sunt, quæ legitimâ

poenâ puniri queant. d. c. 7. b. t. & ibi Pitching §. 5. per tot.

## TITULUS XXI.

## De Sortilegiis.

## SUMMARIA.

1. Quid sit sortilegium? 2. Quotuplex? 3. Quo jure prohibetur? 4. Sortilegi qui dicantur? 5. Ex quorum verum inspectione desumatur sortilegium? 6. Qua sit forma? 7. Quis finis? 8. Qua poena sortilegit? 10. Affinitas.

**C**RIMINI falsi proxima sunt sortilegum, & collusio: quia & his falsitas inest.

## §. I.

Definitur sortilegium; quod sit divinatio, quæ per falsam, vel superstitionem doctrinam ex quibusdam signis conjecturando, vel ex dæmonum consultationibus per ludificationes occulta manifestantur.

## §. II.

Dividitur sortilegium in diversas species. Si fiat per terram, Geomantia; si per aërem, Aeromantia; si per aquam, Hydromantia; si per ignem; Pyromantia; si per animalium interiora, Haruspicium; si per avium volatum, Auspicium, si per avium garritus ac voces, Augurium; si per inspectionem pedum, Pedomantia; si per inspectionem manuum, Chiromantia; si per hominum voces, Omen; si per eorum somnia, Onyrotititia; si per signa totius corporis, Physiognomia; si per signa spatulæ, Spatulamantia; si per signa frontis, Mesopscopia; si per homines vivos arreptos, Phytonia; si per corpora assumpta mortuorum, Necromantia; si per inspectionem astrorum, Astrologia judiciaria indigitatur. Bononus tom. 1. resol. 40. n. 11.

## §. III.

*Causa efficiens sortilegii est vel remota, vel proxima.*

*Remota est jus quā Divinum, quā Humanum : cū enim sortilegium ad superstitionem, vel idolatriam, vel ad dæmonis cultum exp̄essè, aut tacitè inducat, utroque jure prohibetur : Divino Exod. 22. v. 18. Levit. c. 19. v. 31. & cap. 20. v. 6. & 27. Deuter. 18. Num. c. 23. & 1. Reg. 23. v. 9. Humano tam Canonico in c. 6. & 4. seqq. causā 26. quest. 2. c. 1. & 2. b. tit. quam Civili in r. t. C. de Malefic. & Mathemat.*

*Proxima sunt sortilegi, qui sub nomine fictæ religionis per quasdam, quas Sanctorum seu Apostolorum vocant, sortes divinationis scientiam profitentur, & ex mediis planè inutilibus futura contingentia, aut res occultas prædicunt, aut cognoscere volunt.* c. sortilegi. causā 26. quest. 1. Alias vocantur *Vates, Chaldae, Magi, Mathematici, Malefici, Aruspices, Augures, Praestigatores &c. Germanicē Wahrsager, Chrystallen, Gucker, Zeichen, Deuter, Zigeuner, Schwartzkünstler &c.*

#### §. IV.

*Materia, seu objectum sortilegii sunt elementa, syderum motus, & constellationes, aliaeque res, ex quarum consideratione, vel potius inspectione superstitionis divinatio defumitur, & futura contingentia, vel occulta pervestantur.* c. illud. 6. causā 26. quest. 2. c. igitur, causā 26. quest. 4. Censentur autem ejusmodi res, quae neque ex natura sua, neque ex ordinatione Divina aliquam connexionem habent cum effectu: ut si quis in tabulis, vel codicibus, aut per inspectionem astrolabii farta requirat.

*cap. 2. hoc tit.*

Si quis ex fortuitis volvæ linearum ductibus velit prædicere futuram fortunam, vel præteritos, aut prælentes occultos effectus pro certo denuntiet.

Sixtus V. in Bulla: *Cæli, & terra.* Si quis ex horoscopo nativitatis allijus (*thema vocant*) bonum aut malum hominis successum, vitæ, mortis genus

conjectare, & certò divinare conatur.

c. 1. causā 26. quest. 3. Sixtus V. in d. Bulla: *Cæli & terra.* Aliud est, si aliqua naturalem haberent connexionem cum effectu, & à communiter accidentibus colligi possint, esse connexa: ita minimè superstitione percontam infirmorum somnia ad indagandum naturalem complexionem corporis: ex avium volatu, vel garitu, aut colore luna, vel æris temperie cognoscimus futura contingentia, puta secuturas pluvias, serenitates: ex sydern motibus, aut conjunctionibus terræ fertilitatem, salubritatem, vel luem prædicimus. Idem dicendum est de signis physiognomis, seu quando ex Physiognomia alicujus elicitor, aliquam esse talis, vel talis inclinationis &c. ut quæ sèpe connexionem naturalem habent cum effectu; et si cautè quoque in talibus sit procedendum. Confer Chariss. meum Confratrem P. Benedict. Behamstein in Discurs. Philos. Jurid. 2. 3. 4. & 5. ubi de observatione somniorum, physiognomia, chiromantia, & genethliologia non minus curiosè, quam doctè discurrevit.

#### §. V.

*Forma sortilegii posita est in inordinata, & superstitionis inquisitione rerum aliquarum vel occultarum, vel futurarum, quas homo hic & nunc non nisi ope, & ministerio dæmonis cognoscere potest per c. 6. 7. 8. & 9. causā 26. quest. 2.*

#### §. VI.

*Finis sortilegii est cognoscere aliud octo cultum sive præteritum, sive futurum.*

#### §. VII.

*Effectus sortilegii spectatur in poenis in sortilegos statutis.*

Jure Canonico in foro conscientiæ sortilegis imponitur poenitentia 40. dierum. c. 1. b. t. in foro contentioso Clerici sortilegi, sicut & consulentes depositi ab omni ordine facto, & exuti officiis, ac beneficiis in Monasterio crimen admissum perpetuâ poenitentia luere de-

debent, nisi simplicitas & bonus zelus poenae mitigationem suadeat. c. 2. b. t. c. si quis. 5. causa 26. q. 5. Laici, si moniti emendationem detrectent, servi, & viles verberibus compescendisunt: liberi ac honestiores relegantur, vel in carcerem detruduntur. c. contra 10. causa 26. q. 5. Roman. singul. 660. Præterea, qui divinationes, quæ hæresin sapiunt, exercent, puniuntur ut hæretici, atque incorrigibiles facti curia sæculari puniendi traduntur. Facit c. recusans. §. sanc. de Haret. in 6. Criland. tr. de Sortileg. quast. II. n. I. & 6.

**9** Jure Civili pena mathematicorum, ariolorum, augurum & vatuum est capitalis, & aut concremantur, aut ultore gladio feriuntur. l. 3. & 5. C. de Malefic. & Malib. De consuetudine pena utroque jure arbitraria est juxta qualitatem delicti imponenda.

§. VIII.

**10** Affines sortilegio sunt fores divisoria, & consultatoria.

Sortes divisoriae sunt, quibus ex prævia conventione, aut consensu hominum inquiritur, cui in dubio res aliqua attribuenda sit; ut si hæredes in divisione hæreditatis inter se sortem mittunt, cui hæc, vel illa res cedat. Hæ sortes, si nihil superstitionis, aut injustitiae contineant, sunt licita. l. 2. C. Quando & quibus quart. pars. l. 14. ff. de judicio. l. si qui sunt. ff. Famil. erit. De jure tamen Canonico reprehabantur in electionibus ad dignitates Ecclesiasticas. c. fin. b. t. & in provisionibus beneficiorum, ne detur vitiosus, & non canonicus ingressus contra c. 1. de Reg. Jur. in 6. Unde nec lis de beneficio per sortes terminari debet, uthene docet cum Suarez Zoël. b. t. n. 6.

Sortes consultatoriae sunt, quibus inquiritur DEI consilium circa res agendas, vel cendas, ut factum est in electione S. Matthiæ Apostoli Act. I. Et hæ sortes, tanquam non temere usurpandæ, ab Ecclesia prohibentur. c. non statim. & seqq. causa 26. q. 2. quamvis

nulla specialis poena pro iis reperiatur imposta. Imo in casu necessitatis, & ex speciali DEI instinctu, atque cum debita reverentia usurpatæ, prout ab Apostolis factum, licita esse possunt. D. Thom. & Cajetan. quos refert, & sequitur Franciscus de Arauxo in Decis. moral. de Stat. civil. diff. 3. §. 5.

## TITULUS XXII.

### De Collusione detegenda.

#### SUMMARIA.

- c. Quid? 2. Et quotuplex sit collusio? 3. Quo jure vindicetur? 4. Quinam colludere possint? 5. In quibus causis sit locus collusioni? 6. Quomodo? 7. Ob quem finem fiat collusio? 8. Quæ sint penæ colludentium?

§. I.

**D**efinitur collusio, quod sit fraudulosa conventio, quâ hoc inter actorem & reum agitur, ut reus absolvatur. Colligitur ex c. si quem. 8. causa 2. q. 3.

§. II.

**D**ividitur collusio in prævaricationem, & 2 tergiversationem. Prævaricatio admittitur, si accusator post cæptam accusationem subdole reo favet, proprias probationes dissimulando, & falsas rei accusations admittendo, ne puniatur. l. I. f. 1. l. 6. ff. de Prevaricat. item minus propriè, si advocatus, vel procurator clientis sui causam alteri prodat, & cum vincere posset, se vinci patitur. d. l. 1. f. 1. Tergiversatio fit, quando ab accusatione accusator omnino fraudulenter desistit absque legitima causa, & judicis sententia: in hoc quippe, quod ab accusatione coepit desistat, quasi tergum vertere videtur, ut delictum poenæ subtrahatur.

§. III.

**C**ausa efficiens collisionis alia est remota, 3 alia est proxima.

Re-